

Attu ulloq 17.10.2024

Uunga: KNAPK

Pillugu: Qilalukkanut tusarniut.

Attumi AAPP-mi ilaasortat peqatigalugit ulloq 15.10.2024 pineqartoq pillugu, nalunaaqutap akunnerini marlunni oqallinneqareersoq ima isikkulimmik Attumi AAPP-miit akissupput ingerlatipparput.

Akissuteqaat.

Attumi AAPP-miit tusarniut taamatut isikkoqartillugu akuerinngilarput.

### Tunngavilersuut.

**Ilisimaneqartutuut ukiorpassuit ingerlaneranni qilalukkanik qaqortanik qernertanillu sakkortuumik killilersuineq ingerlanneqarsimavoq. Tamatumalu saniatigut Qilalukkanik qaqortanik qernertanillu misissuinerit piffinni "taakkunaniinnaq" akuttoqisunik ingerlanneqartarlutik. Allaallu ilisimatuussutsikkut paasisat eqqarsaatingalugit qilalukkatigiit ikilingaluttuinnartutut nalunaarutigineqartualerlutik.**

Ukiorpanngortuni atuisut ilisimasatik aallaavigalugit oqariartuutigittuarpaat, ilaatigut silaannaap allanngornerata kinguneranik, piniakkat assigiinngittut ingerlaarfitik allanngorsimagaat sarfap allannguallanneratigut. Atuisut sivittortumik oqariartuutigittuarpaat "kalaallit nunaata nillikariartuinnarnerani, uumasoaqatigiit tamarluinnangajammik ingerlaarfimminnik allannguiartortut". Taassumalu peqatigisaanik periarfissat atorlugit siunnersuutigineqartuarualarluni "ullutsinnut naleqquttumik" ilisimatuussutsikkut misissuinerit ingerlanneqartariaqalersut. Akissutinnaajuvorli "Nutaamik ilisimatuussutsikkut misissuinerit ingerlatilerutsigit tunngavissaarutissaagut."

Aap tamanna akissut assortoruminaappoq. Kisiannili eqqarsaatigilluaraanni assortorneqarsinnaalluarluni. Imatut paasillugu immaqalu apeqqusersularlugu imatut, soormitaavaana pingaartumik ukiuunerani ilisimatuut qilaluaarutileranerani aallerisaarittuarualartut, assersuutingalugu ullormi ataatsimi Nuup kujataaniit Upernaviup eqqaa tikillugu, allaat uppernarsaatissalimmik assitalerlugit atuisut unnersiortuartut qilalukkanik qaqortanik qernertanillu?. Apeqquummi akissutissaq ersarippoq. Ukiorpassuarni sakkortuumik killilersuinerup kingunerisimavaa qilalukkat ima amerlatigilersimammata allaat ullormi ataatsimi sineriak annertoq najorsinnaalersimallugu. Tamannali ilisimatuut qangaaniilli kisitsisarnerni najoqquttat sumiiffiit atortakkatik malikkamikkit ajoraluartumik uppernarsarsinnaasimanngilaat, naak atuisut qangaaniilli ilisimalereeraluaraat tusaajumaneqaratilli.

AAPP-p akuersaanngilaa, pisassiissutigineqareersut qaavisigut saniatigooralugu pinialuttartut inatsisitigut 10%-nik pisassinneqarnerat Naalakkersuisuniit.

Siunnersuutigalugulu tunngaviusumik pisassiissutit qaavisigut saniatigooralugu pinialuttartut immikkut Naalakkersuisuniit pisassinneqassasut.

Tunngavilersuut.

Qulaani taakkartoriikkatta ersersippaat, atuisut ilisimasaat tunngavigalugit qilalukkat ima amerlitigisimasut, tunngaviusumik pisassiissutit qaavisigut immikkut pisassiisinnaaneq ajornaateqarnani, alleqqutigineqarsinnaananilu nungusaataalissasoq.

AAPP-miit siunnersuutigut anguneqarsinnaanngippata kissaatigaarput, atuisut ilisimasaat ima qaffasitsigimmata kalaallit nunaata piaartumik arfanniarnermi ataatsimiisitaliarsuarnut ilasortaanini apeqqusertariaqalissangaa.

Taamatut tusarniummut akissuteqarluta.

Per Ole Frederiksen.

AAPP-mi allatsi.

## Mikael Petersen

---

**Fra:** Lauritz Christiansen <laavararsi64@gmail.com>  
**Sendt:** 19. oktober 2024 09:43  
**Til:** Mikael Petersen

Qernertat amerlivallaarneri aalisarfinillu ukiut siuliini aasaq tamaat qaleralinniarnermi akornutaaneri pissutigalugit pisassat qaanaaq Upernavik ilulissat qasigianguvit aasiaa kangaatsiaq tamarmik qulinik pisassat amerliallanneqartariaqaralarput piaartumik nerisareqatigiinnik ulorianartorsiortitsisuummata qernertarsuvit .

Inussiarnersumik inuulluaqqusilluga Lauritz Imm Christiansen.

Laavararsi64@gmail.com

Upernavik

## Mikael Petersen

---

**Fra:** Severin Nielsen <snielsen75gl@yahoo.dk>  
**Sendt:** 20. oktober 2024 10:49  
**Til:** Mikael Petersen  
**Emne:** Sv.: VS: 2025-imut qilalukkanut qaqortanut qernertanullu pisassiissutit pillugit tusarniut / Høring af 2025 kvoter for hvid- og narhvaler (Nanoq - ID nr.: 24634595)

Qapp-miik (Qaarsuni aalisartut piniartut peqatingiiffianniik) Qilalukkak pisassiissutissatut tusarniummut akissut.

Qilalukkat qaqortat qernertallu pillungit tusarniut qapp-mi eqqartoreerlungu iluarisimaarparput, taamaattoq kissaatingaarput pisassiiffimmi uummannami pisassiissutit ikassusaat allanngortinneqannginnissaa, peqqutingalungu ilisimatuussutsikkut misissuisimaneq aallaavingalungu taakku taamatut ikassuseqarmata.

In. In. Qapp-mi siulittaasoq. Severin Nielsen

Sendt fra Yahoo Mail til iPad

Den onsdag, oktober 2, 2024, 11:34 skrev Mikael Petersen <mipe@knapk.gl>:

Immikkoortorta qarfitsinnut tamanut

KNAPK-p Piniarneq pillugu siunnersuisoqatigiivnut

Matumuuna ingerlatipparput Aalisarnermut Piniarnermullu Naalackersuisoqarfimmiit 2025-imut qilalukkanut qaqortanut qernertanullu pisassiissutit pillugit tusarniut.

**Qilalukat qaqortanut qernertanullu qilalugartassiissutissat 2024-imut naleqqiullugit allannguuteqannginnissaat siunnersuutigineqarsimavoq.** Pisarnertut ilanngussani paassissutissat ilanngussani takuneqarsinnaapput.

29. oktober KNAPK-miit akereersimasussaagatta Immikkoortorta qarfiit 25. oktober 2024 kingusinnerpaamik KNAPK-mut akissuteqaatissaminnik nassiussisinnaanissaat kaammattuutigaarput.

Inussiarnersumik Inuulluaqqusillunga

Med venlig hilsen

With best regards

Fra: Ikerasak UUM <ikerasak@knapk.gl>

Sendt: 21. oktober 2024 20:40

Til: Mikael Petersen <mipe@knapk.gl>

Emne: Sv: 2025-imut qilalukkanut qaqortanut qernertanullu pisassiissutit pillugit tusarniut / Høring af 2025 kvoter for hvid- og narhvaler (Nanoq - ID nr.: 24634595)

Ulloq 21/10-2024

2025-imut Qilalukkanut Qaqortanut Qernertanunullu pisassiissutissnaut

Akissuteqaateqarneq

Matumuuna qilalukkanut qaqortanut qernertanullu 2025-imut pisassiissutigineqartut ajoriffissaqartinneqanngillat pisassiissutissatut saqqummiunneqartut.

Taamatuttaarli Qaanaami Upernaviullu eqqaani qernertanik qilaluartassiisarneq isumaqarpugut iluarsineqartariaqalersoq pisassanik ilasisoqarneratigut neqissaqarniarneq eqqarsaatigalungu.

Tassami piffissap ilaani qilalukkat qernertarpassuit isiginnaanginnarneqartartut inuit attaveqaqatigiittarfiisigut saqqummiussuunneqartut takujualersimavavut uffa massa qangaaniilli inuussutigineqartut.

isumaqaratta killilersuinerujussuup saniatigut pinngortitap sakkortoqisumik piniakkavut killilersulernikuungaai ilaannimi ullorpassuit silarluttalernikuuvoq piniartoqarsinnaanani.

Tamakkua tamarmik nalilersuinermi ilanngussuuneqartariaqalersoraavut aamma.

IAPP IKERASAK SIULERSUISUT.

Fra: IAPP <iapp@iapp.gl>

Sendt: 24. oktober 2024 22:43

Til: Mikael Petersen <mipe@knapk.gl>

Emne: Sv: 2025-imut qilalukkanut qaqortanut qernertanullu pisassiissutit pillugit tusarniut / Høring af 2025 kvoter for hvid- og narhvaler (Nanoq - ID nr.: 24634595)

Uunga KNAPK

Sags nr 2024-15079

Akt nr: 244261

Qilalukkat qaqortat qernertallu pillungut tusarniummut akissuteqaat

IAPP MIIK. QAQORTANUT TUNNGATILLUNGU tusaatissatut tinguarput pisassiissutit ajorineqangillat, QERNERTANUT TUNNGATILLUNGU 15 qulinik ilaneqarnissaai piumasariumavarput 25 vangorlungit. siullermituut sassisoqassaarnikuunera peqqutingalungu aammattaaq inuttussutsimut naleqqunnerusumik pisassinneqartarnissaq aallaaviusariaqarmat ukiunimi makkunani sineriak tamarluinnangajammi assingiimmik atungassarititaasunik aalisartoqarfiummat ukiorpassuangortuni Ilulissat qaleraleqarfiunera sassiffiusarneralu aallaavingalungit pisassiissutit ikittuarsimanagerat pissusissamisuungittuttut ilaasortatta oqariartuutingimmassut taamatut ikalineqarnissaanut oqaasertaliilaarpungut

Inussiarnersumik Inuulluaqqusilluta

Ilulissani Aalisartut Piniartullu Peqatigiiffiat

I.A.P.P

iapp@iapp.gl

Fra: Paulus Olsen <paulusolsen14@gmail.com>

Sendt: 2. oktober 2024 22:19

Til: knapk knapk <knapk@knapk.gl>

Emne:

Matumuuna nassiuppakka siulittaasup Lars Jensen-ip nassiuteqqusai.

Aalisartunik illersuineq.

Matumuuna ingerlatipparput naalackersuisunut ingerlateqqitassatut nalilersugassatullu misissugassaq. Tassa annertusimmat aalisarfinni qilalukkat akornutaalluinnalermata, tamannalu takussutissaqarpoq Kullorsuarmi qalerallit tunisat ukiumut annikilleriarmata ukiukkat aasakkullu. Qalerallit inuussutissarsiutigaaavut mannalu tikillugu qilalukkat inuussutissarsiutiginagit allatuutaanerusunik naalackersuisunit tunineqapajuttarluta, tamannalu inuussutissarsiunngortillugu aaqiivigineqarnissarput kissaatigaarput neriulluta ukioq tullermiik piviusunngortinneqassasoq. Piniartuuneq inuussutissarsiutaammat paasineqartariaqarpoq aammalu silap pissaanerata tamanna ataannartumik pitissinnaanagu, qaavatigut sulil naalackersuisut killilersuipput akuersaaginnarneqarsinnaanngitsumik. Allaat ullumikkut isiginnaaginnartussatut inissineqartarluta. Taamaattumik qilalukkat ataannartorsuarmik takkusimaartanngimmata taakkununnga killilersuiffigineqartarnerput nalilersorneqaaqqissasoq PUISSE-mit piumasaraarput, tassa qilaluaq inuussutissarsiornitsinni tapertatut inissinnissaat qulakkearniarlugu iliuuseqartoqarnissaa.

Lars Jensen

Siulittaasoq

Qimusseriarsuarmi kisitsisoqarli

Ukiuni kingullerni qimusseriarsuarmi arfernik takullattaartuortoqartarmat piumasaraarput misissuisoqarluni kisitsisoqarnissaa allaat qipoqqarnik allanillu talusaqartoqartarmat.

Siulittaasoq

Lars Jensen

Tuttulissuarmi tuttnik kisitsisoqarli

Ukiut arlaqalermata tuttnulissuarmi tuttnik takusoqartuortaluni taamaattumik tuttnulissuarmi koorornarsuarmi tuttnik kisitsisoqassasoq misissuisoqassasorli inassutigineqassasoq piumasaraarput.

Siulittaasoq

**Qaanaami Aalisartut Piniartullu Peqatigiiffiat**  
**3971 Qaanaaq**

Aalisarnermut Piniarnermullu Nalakkersuisoqarfik 24. Oktober 2024

Mail: apn@nanoq.gl

**2025-imi qilaluartassiissutissat pillugit tusarniummut Qaanaamiit inassuteqaatit:**

2025-imi qilaluartassiissutissat pillugit tusarniut 1. Oktober 2024-imeersoq innersuullugu, Qaanaami Aalisartut Piniartullu Peqatigiiffianniit makkua innersuuppagut:

**Qilalukkat qernertat.**

Aallarniutigalugu erseqqissaatigisariaqarparput Qaanaami eqqaanilu ta-marmmi inuinnarnissamut qilalukkat tunngaviulluinnartuummata, majimiit januarimut inuussutiginiagassagut qilalukkanit qernertanit qularnaatsumik pissarsiarisarpagut, taamaammatt qilaluarniarneq Avannersuarmiuisut-sinnut pingaarluinnartuuvoq.

**Qaannanut pisassiineq/Kulturikkut pisassiissutit:**

Avannersuarmi qilaluarniarneq qaannamit ingerlanneqarpoq, taamaattumik piffissanngorpoq Avannersuarmut qaannamik piniartarnermut pisassiissute-qarnissaa.

Inassutigissavarput sinaaqarnerani pisarineqartartut 40-it kulturikkut pi-sassiissutigineqarnissaat.

**Etahmut pisassiissutit killeqarfiata allanngortinneqarnissaanik i-nassuteqaat:**

Etahmut piniariartarneq ukiuni kingullerni ajornartorujussuanngooqqavoq, silarput allanngorluinnarnikuuvoq, taamaalilluni ajornakusoortorujussuan-ngorluni Etahmut piniariartarneq. Pisassat pisarineqanngitsoortarnerat



Qaanaami Aalisartut Piniartullu Peqatigiiffiat  
3971 Qaanaaq

killeqarfiup allannguallanneratigut allanngortinneqarsinnaasoq isumaqar-pugut:

Etahmut pisassiissutit piniarsinnaaneranut killeqarfiup Udlersuarmit Ka-ngermet kujavartinneqarnissaa inassutigaarput, taamaalilluni taavani pi-sassat piniarnissaat ajornannginnerulaalissammat.

**Pisassiissutissatut inassutit:**


Naggataatigut imatut inassuteqassaagut:

- 1. Etahmut pisassiissutit tallimat, Kangeq tikillugu piniagassat.**
- 2. Sinaaqarnerani pisassat 40-it qaannamit piniarneqartussat.  
(Kulturikkut pisassiissutit.)**
- 3. Pisassiissutit naliginnaasut 88-it, Siorapalummiunit, Qaa-naarmiunit Qeqertarmiunillu piniarneqartussat.**

Erseqqissaatigissavarput sikuq sinaavani piniarnermi kulturi atorlugu nangertarneq atugarineqarmat, qilaluaq pisarineqartoq piniqaataasunit ta-manit Avangersuarmit periaasitoqqat atorlugit agguanneqartarluni/ninger-tarineqartarluni. Taamaalilluni neqi mattallu pissarsiarineqartut sinaava-neeqaataasunut annikitsuinnaasarlutik. Sikuq sinaavani piniarneq kulturi atorlugu ingerlapparput.

Inussiarnersumik Inuulluaqqusilluta,

Qaanaami Aalisartut Piniartullu Peqatigiiffiat sinnerlugu



K'ulutana Kvist

Siulittaasoq



Adolf Simigaq

Allatsi